

**Ed.**

**520. Nefndarálit**

um frv. til l. um verðlagningu landbúnaðarafurða o. fl.

Frá minni hl. landbúnaðarnefndar.

Nefndin er þríklofin í máli þessu og skal til leiðréttigar frásögn í nefndarálti meiri hl. á þskj. 511 birta hér orðréttan útdrátt úr fundargerð nefndarinnar, er málid var afgreitt þar 7. f. m.:

.... „Fyrir tekið:

1. Frv. til l. um verðlagningu landbúnaðarafurða o. fl. Nefndarmenn voru ósammála um afgreiðslu þess máls. E. E. lýsti yfir fylgi við frv., en áskilur sér þó rétt til að bera fram brtt. eða fylgja brtt. ef fram koma. P. H. vill að frv. verði fellt. P. P. vill að frv., ef að lögum verður, breytist á þann veg, að löginn falli úr gildi 1. sept. 1946 og mun flytja brtt. um það.“ ....

H. G. og Kr. A. voru ekki mættir á fundinum.

Með þessari yfirlýsingu á fundinum þykist ég til fulls hafa látið uppi álit mitt á málinu, en meiri hl. segir, að svo hafi ekki verið.

Á næsta hausti má vænta þess, að bændur hafi komið frambúðarskipulagi á öflugt stéttarfélag, sett því lög og reglur og samkvæmt þeim valið sér stjórn til þess að gæta hagsmuna stéttarinnar. Kemur þá ekki til mála að löggjafarvaldið leggi slikan tálma á leið þeirra, að þeir hafi ekki atkvæðisrétt um val mannanna, er verðleggja eiga afurðir þær, er þeir sjálfir framleiða.

Nú þegar hafa verið gerðar ráðstafanir um sölu búnaðarafurða fram til næsta hausts og verður við það að hlýta. En fyrir 1. sept. n. k. tel ég sjálfsgagt, að ráðstafanir verði gerðar til þess að félagssamtökum bænda gefist kostur á að taka söluframkvæmdir í sínar hendur.

Flyt því við frv. svo hljóðandi

**BREYTINGARTILLÖGU:**

Aftan við 11. frvgr. bætist: og gildi til 1. september 1946.

Alþingi, 5. mars 1946.

Porst. Þorsteinsson.